

Seminari da mussadras LR : raport digl cunzegl scola

Autor(en): **Battaglia, Luzi**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **94 (1981)**

PDF erstellt am: **16.05.2024**

Persistenter Link: <https://doi.org/10.5169/seals-234115>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Seminari da mussadras LR

Raport digl cunzegl scola

Igl on 1980 savainsa numnar egn on da las midadas. Cun l'antscheata digl on da scola 1980/81 â dna. Margrita Wagner-Fryberg surprieu igl tgimun digl seminari suainter ca dna. Ursi Nigg-Jemmy â gieu demissiono. A dna. Ursi angraztgaïnsa zun fetg par la sia lavur durànt tres ons sco directura digl seminari ad a dna. Margrita givischansa blear cuntantientscha sco nova directura. Dna. Margrita â antschieu sia lavur cun grànd parsuainter a nus eassan fetg leads da ver cato an ella egna parsuna qualifitgeada ad angaschada. La «revoluziùn da palazi» an conex cun la ligida digl secretari LR Hans Caprez â ear fiers sias undas sur igl cunzegl scola. Ear scha sgr. Theo Candinas â banduno noss cunzegl scola sainza gir adia, lessan nus betg tralaschar d'angraztgear ad el zun fetg par sieus grànd angaschi pigl seminari da mussadras. La plaza da sgr. Candinas e restada vacànta tocen tier la radunànta da delegos LR a Breil. Sgr. Toni Halter e saglieu an la largia ad â surprieu interimistic igl presidi dil CS, egn cordial angraztgamaint ear ad el pigl agid an crisa. La suprastànta LR â lu ligieu sgr. Flurin Bischoff sco delego agl cunzegl scola. Igl cunzegl scola â alura saconstituieu sco savunda: Luzi Battaglia, Trin, parsura; Toni Halter, Vella, nuder; Flurin Bischoff, Cuera; Stefan Capeder, Cuera; dr. Fortunata Ramming, Schlarigna.

Igl pass igl pli impurtant, c'igl cunzegl scola â dezidieu 1980 anzemen cun la suprastànta LR, e bagn sto quel d'antschever 1981 cun egn curs da scola da tres ons. Quella dezisiùn â procuro agl CS, alla directura ad alla suprastànta LR blear da far.

Par l'amprema â egna cumissiùn digl CS stuieu elaborar egn nov plàn d'instrucziùn. An vesta da la incorporaziùn digl seminari da mussadras rumàntschas an la scola cantunala da femnas âni stuieu fràncar igls postulats spezi-fics da noss seminari rumàntsch.

Las experienztgas digl CS ân musso, ca nus stuagn render ple grànda atenziùn ala scolaziùn digl rumàntsch ad a la preparaziùn da nossas mussadras sen igl problem da la assimilaziùn da scularets da lungatg betga rumàntsch. Igl nov plàn d'instrucziùn vean a taner quent da que fatg.

Egna impurtanta dezisiùn digl CS a da la suprastànta LR e ear quella d'adatar la contribuziùn ca las seminaristas pajan sco daner da scola a quella digl seminari da Claustra. Par ca la LR setgi far l'instànta agl Cantùn par

finanztgear igl curs da tres ons â igl CS ear stuieu meter anzemen egna calculaziùn da cuosts. Igl CS less betg tralaschar d'angraztgear ear an que liac zun fetg a tut quels c'en samess aint, ca la scolaziùn da nossas mussadras e betg vegnida periclitada me parveia da formalitads a muncànza da daners.

La fegn da zarcladur ad antscheata da fanadur ân 15 scolaras saro igl curs da dus ons cun igl diplom da mussadras. Nus gratulagn alas novas mussadras a giavischagn ad ellas satisfacziùn a suczess an lur beala clamada.

Ils 25 d'avust â igl nov curs, igl davos curs da dus ons, antschi cun 14 scolaras. Igl december ân gieu liac igls examens da recepziùn pigl amprem curs da tres ons. 16 matas ân fatg igls examens cun suczess.

Cun egn cordial angraztgamaint da ranconuschientscha a nossa cunscienza directura dna. Margrita, als fidevals colaboraturs agl cunzegl scola, ala suprastànza da la LR ad a tut quels c'ân purschieu lur agid pigl bün andamaint da noss seminari seari igl mieus raport.

Luzi Battaglia, Trin